

Programma In Exsequiis Viri Nobilissimi Et Consultissimi Christiani
Friderici Schroeteri I.V.D. In Iudicio Avlico Cavssarvm Patroni Et Senatv
Academico Syndici : P. P. In Academia Ienensi
Programma In Exsequiis Viri Nobilissimi Et Consultissimi Christiani
Friderici Schroeteri I.U.D. In Iudicio Aulico Caussarum Patroni Et Senatu
Academico Syndici\$ dP. P. In Academia Jenensi

[Jena]


Foertsch, Michael

HZ: 2 Art.lib.XIV,8(395)

https://collections.thulb.uni-jena.de/receive/HisBest_cbu_00034260

urn:nbn:de:urmel-68ef8495-d98a-474c-bcf8-d9e4e9cbc003-00019844-13

Lizenz: <https://creativecommons.org/licenses/by-nc-sa/4.0/>




895

PROGRAMMA
IN
EXSEQUIIS
VIRI
NOBILISSIMI ET CONSVLTISSIMI
CHRISTIANI FRIDERICI
SCHROETERI
I.V.D. IN IVDICIO AVLICO
CAVSSARVM PATRONI ET SENATV
ACADEMICO SYNDICI

P. P.
IN ACADEMIA IENENSI.

LITTERIS FICKELSCHERRIANIS.

urn:nbn:de:urmel-68ef8495-d98a-474c-bcf8-d9e4e9cbc003-00019844-13



urn:nbn:de:urmel-68ef8495-d98a-474c-bcf8-d9e4e9cbc003-00019844-21



PRORECTOR ACADEMIAE IENENSIS
MICHAEL FOERTSCHIVS,

SACRARVM LITTERARVM DOCTOR ET PROFESSOR
PRIMARIVS, ORDINIS THEOLOGICI SENIOR ET CIVIVM ISENACEN-
SIVM IN HAC ACADEMIA INSPECTOR

CVM PROFESSORIBVS RELIQVIS

S. D.

CIVIBVS.



Vodſi liberi benigniora cæli munera ſunt,
ac caſus eorum, quum ex parentum am-
plexibus ac ſocietate ſic eripiantur, vt ad
conſpectum & conſuetudinem vitæ hu-
ius minus redeant, familiæ magnam in-
ferunt calamitatem; facile poteſt intelligi, in quo trifti
atque acerbo luctu, quoue ſqualore verſetur vir excel-
lentiffimus ac conſultiffimus, IO. CHRISTIANVS
SCHROETERVS, iuris doct̃or & profeſſor, inque

)(2

pro-

prouincialis curiæ ac scabinorum senatu adfessor gra-
uissimus, collega noster insignis. dolorem enim
ex morte suauissimæ filiæ, in qua spem fixam locatam-
que habebat, haud longo interuallo sequebatur alia
miseria, quum vnicus ipsius filius, vir nobilissimus ac
consultissimus D. CHRISTIANVS FRIDERICVS
SCHROETERVS, per quem gloria generis augeri
magis atque ornari potuisset, duræ moriendi condi-
tioni satisfaceret. veteres romani orbatî liberis opti-
mæ spei, in cippis ac epitaphiis illos laudarunt PIEN-
TISSIMOS, SANCTISSIMOS, OBSEQVENTISSIMOS,
BENE MERENTES, KARISSIMOS, EDVCATOS GRAE-
CIS LATINISQVE LITTERIS, & vt vehementiam lu-
ctus indicarent, subnotarunt: FECERVNT, POSVE-
RVNT INFELICISSIMI PARENTES, INFELIX PA-
TER, INFELICISSIMA MATER, PARENTES MISERI,
MOESTISSIMI, AD LACRIMAS RELICTI, AD LV-
CTVM ET GEMITVM RELICTI & cetera. quæ lu-
gubres lamentationes eo magis sensus æstumatissimi
collegæ nostri adficere possunt; quo se propriorem
illis romanis hac casuum acerbitate factum esse intelli-
git, animo mœroris plenissimo ac maxime perturbato.
sic facile dolori & desiderio posset cedere, nisi discrim-
en inter paganos ac christi sacris initiatos haberet
cognitum, atque in diuinis oraculis id remedium ad
mitigandum luctum inueniret, quod calamitas præ-
mium sit pietatis, quæ non veniat nisi auctore Deo,
qui non sæuiat, sed exerceat tantum caros sibi obse-
quen.

quentesque ac probet. nec percipiet adleuamentum
mediocre, si cogitet intentius, quam feliciter filius ex
splendidissima stirpe sit progenitus, quam probe educa-
tus, quam pie atque honeste transegerit vitam & quam
tranquille Deo animam, cui semper deuouerat, reddi-
derit, per plenas fiducia ac sanctas voces atque preces.
atqui anno MDCLXXXIII. d. XII. august. in hac urbe
communis lucis usura frui coepit, natus a parentibus
familiae, ingeniorum ac virtutum laude clarissimis, pa-
tre quippe dicto & matre HELENA MARGARETHA,
filia viri amplissimi GEORGII PASCASII, oppidi huius
consulis. auum paternum habuit D. ERNESTVM FRI-
DERICVM SCHROETERVM, qui heic litteras iuris pro-
fessus est, adeoque ortus ab insigni SCHROETERORVM
familia, quae diu multumque floruit, atque academiam
nostram a prima ipsius aetate magnis ornauit meritis sic-
que verae solidaeque laudis auspicatissimum fuit semina-
rium. mox iure ciuitatis, quae a Christo auspiciu &
nomen habet, donatus, cura parentum, simul ac de in-
dole ipsius proba cognoscebant, ad dei cultum ac do-
ctrinae incrementa traducebatur, etiam quum anno
MDCXCVI. d. X. mai. dilectissima mater pio mortis gene-
re mortalitatem suam finiret, ludo Vinariensi erudien-
dus committebatur. in quo moderatores adolescentiae
egregios GROSGBAVERVM & LAMMIVM nactus tam
industrius fuit, vt nullam negligentiae labem traheret;
sed ingenium bonis litteris pectusque virtutibus instrue-
ret, nec ullis deliciis abstrahi a proposito flectique pos-
set

set ad prauum. sic cultus atque expolitus per quinque annorum spatium sub his vitæ doctrinarumque magistris, anno MDCCII. d. XXVI. sept. huc venit, & ut rectam ac prudentem studiorum rationem constitueret, mentem egregiis philosophiæ artibus ornauit, ac viros celeberrimos POSNERVM, TREVNERVM, HAMBERGERVM, MVLLERVM sectatus est, ex quorum disciplinis atque institutionibus multas sapientiæ opes collegit. quo substructo operis fundamento, iuris interpretes ac doctores adiit, eorumque scholas & publicas & priuatas pari diligentia frequentauit; præcipue autem patri iusti atque æqui disciplinas docenti operam dedit ac singularem commendauit industriam. hinc ubi rem ingenii fecisset meliorem, sapientiratione cogitauit, quemadmodum vires eius expromeret, ac prodiret in publicum, quam in causam modeste adpellauit illustrem nostrum IO. PHILIPPVM SLEVOGTIVM de habenda disputatione, ac potestate ab eo facta, de *citationis requisitis* felici successu disputauit. nam quum antea regiones germaniæ perlustrasset, anno MDCCVIII. d. XVI. nouembr. ab illustri iurisconsultorum ordine impetrauit insignia ac priuilegia doctoris; quo honore auctus exercuit sese in causis forensibus, etiam ut inferuaret utilitati litterarum studiosorum, aperuit scholas. non potuit latere virtus, quæ sua splendebat luce. proinde dignus erat, qui anno MDCCXII. in ordinem causarum patronorum in iudicio aulico adscriberetur; anno MDCCXVI. insigne & luculentum

tum præmium iussu & gratia serenissimi Principis Isenacensis, domini nostri clementissimi, ferret, vt iudiciis præfecturæ Alstadiensis præesset; & tandem in senatu nostro prouinciam *Syndici* susciperet, quæ munerata fide & diligentia administravit. ceterum anno MDCCXVI d. XXIII. april. nuptias fecit domumque duxit virginem ornatissimam SOPHIAM CHRISTINAM, filiam viri experientissimi D. IO. ADRIANI SLEVOGTII, collegæ nostri multo coniunctissimi, ex qua vnicam filiulam suscepit, cui vt & ipsi coniugi MDCCXVII. iusta soluit noster. quapropter vt consuleret rebus suis domesticis, iterum MDCCXVIII. matrimonii fœdus contraxit cum virgine virtutum laude conspicua LOVISA, viri summe reuerendi D. IO. ANDREAE SCHMIDII, theologi Helmstadiensis celeberrimi, abbatis Mariæuallensis filia, quæ procreauit duos liberos, filiam SOPHIAM DOROTHEAM anno MDCCXVIII. & filium CHRISTIANVM BERNHARDVM FRIDERICVM MDCCXX. natum post excessum patris. deo consecratus SCHROETERVS noster erat, ac in salute animæ suæ promouenda pias curas, sollicita studia ponebat: in officiis erga quemque tuendis demonstrabat se egregium, atque vxores intemerata colebat fide. quid igitur mirum, quod ipsius mors viduæ, parentibus aliisque, quibus vel sanguine, vel amicitia, vel amore fuit coniunctus, vehementem adferat luctum, quodue hic grauissimus factorum ictus animos mœrore ac desiderio confectos perturbet maxime? sed satis diu vixit, qui deo deuotus

tus exiit e vita. atqui ob hanc causam vidua moestissima, pater optimus alique sensim sese colligant ac mortem hanc ferant moderatius cladiumque obliuiscantur domesticarum. etenim quum vis febris artem ac curam illustris nostri GEORGII WOLFFGANGI WEDELII superaret, ad caelestia conuersus animæ medicinam petiit, quam ab ore & manu viri summe reuerendi D. MICHAEL, ZÜLICHII sumsit, quo relictus epulo sacro & adhuc per summe venerandum D. IES. FRIDERICVM WEISSENBORNIVM, collegam nostrum æstumatissimum meliori vitæ præparatus non multo post d. XXII. octobr. æternam adiit patriam, vbi iam seruatoris Christi fouetur amplexu. sed vero, Ciues, vos hortamur, vt hodie ab hor. i. funus oratione sacra cohonestandum celebretis. P. P. sub acad. fig.

d. xv. decemb. anno salutis reparatæ

M D C C X X.

